



Publicaziuns dalla vischnaunca, jamna 28

Damonda da baghegiar

2017-1046.000

Datum dalla publicaziun: Ils 14 da fenadur 2017

Il patrun: Clemens Berther-Bearth, Via Salez 3, 7186 Segnas

Il representant: gerber.s landschaftsarchitektur, Via Quadris 11, 7014 Trin

Object: Nova formaziun dil curtgin existent cun adattaziun dil mir da sustegn per liung dalla Via Sut Vitg e construcziun d'in sottetg (carport), parcella 296, Via Salez 2, 7186 Segnas.

2017-1047.000

Datum dalla publicaziun: Ils 14 da fenadur 2017

La patruna: Annalisa Giger-Sialm, Via Alpsu 4, 7180 Disentis/Mustér

Il representant: Linus Maissen, Via Foppas 10, 7186 Segnas

Object: Construcziun d'ina terrassa nova, parcella 729, Via Alpsu 1

- Ils plans da construcziun ein deponi tier l'administraziun communal.
- L'envesta publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2016 – 1018.000

Uniun museum Stalusa, Via Alpettas 1, 7180 Disentis/Mustér; sanaziun digl access tier la fortezia Acla da Madernal e construcziun d'ina senda nova tier la fortezia Stalusa, parcellas 2550 e 2927, Acla dil Bigliel e Cauma, 7180 Disentis/Mustér.

Nr. 2017 – 1028.000

Christian Egger Mahler, Via Carrera 9a, 7013 Domat/Ems; tegia da vacanzas, spazzar il baghetg existent e reconstruir, parcella 2440, Plaun Verd, 7183 Mumpé Medel.

Nr. 2017 - 1034.000

Willi Lozza-Tschuor, Via Cavardiras 5, 7180 Disentis/Mustér; sanaziun ed izolaziun dil tetg casa cun duas finiastras novas el tetg, casa sin parcella 1010, Via Cavardiras 5, 7180 Disentis/Mustér.

Uffeci da baghegiar Disentis/Mustér



Appel da risguardar ils dis da ruaus publics

La protecziun dils dis da ruaus publics vegn reglada ella lescha communal davart ils dis da ruaus publics. En art. 5 dalla lescha vegnan las excepziuns circumscrettas e gest quellas ein motiv che la suprastonza communal vegn adina puspei fatga attenta sin surpassaments. Cunzun l'interpretaziun dallas excepziuns en connex cun lavurs ell'agricultura caschunan discussiuns ella populaziun. Nus

appellein perquei instantamein a nos purs d'exequir dumengias e firaus sil funs sulettamein lavurs per perver animals cun pastg verd ni sch'ei exista il prighel che la raccolta vegni svaletada ni lavagada. Interpretond quella prescripziun sa ei en cass excepziunals capitar ch'ei sto vegnir rischlau ina dumengia ni in firau, denton eis ei da tralasar da segar duront ils dis da ruaus publics. Sch'ei selai buca evitar da rischlar in di da ruaus public, supplichein nus d'exequir quellas lavurs cun minimar las immissiuns da canera e da prender il duiv risguard cun transportar il pavel atras territori habitau. Bien engraziament per la capientscha ed il risguard.

Suprastonza communal

Invitaziun Seniora-CaNorta (star da cumpignia – giugs – raschunar)

Gievgia, ils 20 da fenadur 2017

Il liug da sentupada per seniors/senioras, **mintgamai la tierza gievgia dil meins** allas 12.15 meisa da miezdi (mira giusut) ni allas 13.30 star da cumpignia, discuors, giugs: troccas, jass, sudokus... ni pli tard per ina cuorta sentupada

*Meisa da miezdi organisada da Seniora-Ca e Puntreis
Entschatta: allas 12.15 en Puntreis*

Gentar cun treis tratgas inclusiv 3 dl aua dalla spina ed 1 caffè per frs. 15.–. Annunzia entochen allas **9.00 dil di** a Puntreis (tel. 081 929 56 56).

La meisa da miezdi ei aviarta per **mintgin/a. Negin sforz** da separticipar suenter all'occurrenza!

Team Seniora-Ca

Controlla da habitonts

Naschientscha

Arina Keller, naschida ils 29 da zercladur 2017, feglia dad Andrea e Roger Keller.

Acziun da spender saung

L'acziun da spender saung per donaturas e donaturs dallas vischnauncas da Medel e Mustér ha liug: **Gliendisdis, ils 17 da fenadur 2017 naven dallas 18.00–20.00 en halla Cons.**

Nus engraziain grondamein per quei bien survetsch en favur da malsauns e disgraziats e sperein sin ina stedia participaziun.

Uniun secziun da catschadurs Vallatscha

Tir liber

Liug: Mireia

Datum: **Venderdis, ils 14-7-2017, 19.00–20.00**



Cinema d'ual/Waldkino: «Captain Fantastic» (USA 2016)

Mittwoch, 26. Juli 2017, Filmstart 20 Uhr Academia Vivian, Stagias

Eine Familie lebt mitten im Wald, weit weg von der Gesellschaft, um dort nach eigenem Ermessen zu wohnen, zu essen, zu unterrichten und die Kinder grosszuziehen. Doch die Tage ihres kleinen Paradieses sind gezählt; die Rückkehr in die Zivilisation ist nicht leicht und führt unvermeidlich zu vielen amüsanten Situationen – ein komisches und gleichzeitig tragisches Roadmovie. Feuer und Grill ab 18.30 Uhr, Filmstart 20 Uhr, Shuttlebus Salaplauna–Curaglia nur auf Voranmeldung 19.15 Uhr unter 081 936 48 00 oder info@agricultura.ch. Eintritt frei, Kollekte.